

p. buteux & le p Iogues y auoient hiuerné auparavant. mons^r. de maisonneue qui commandoit a montreal repassa cette année en france p^r. la mort de son pere.

En mesme temps que i'arriue ou estoit en attente du retour de quelques françois & Captifs qu'on auoit enuoyé aux Annieronons pour traiter la paix; ils retournerent icy avec Cousture le 17. du mesme moys de Sept & en repartirent le 22. les Hurons & les Algonq. s'estoient trouués a ce pourparler de paix, & auoient pris resolūon de reconduire les Annieronons a leur pāys; mais estant arriuer a richelieu, ils s'en reuinrent; il n'y eut que Cousture avec 4. Annieronons & trois Hurons qui passerent outre.

Enuiron le 12. d'oct. on tua trois ou quatre Montagnes qui estoient a la chasse, on eut peur que ce ne fussent Annieronons, toutes-fois on pensa que ce pouroient bien estre des sokokiois, dont on auoit tué il y a quelques années quelquesvns: il y auoit pour lors cinq Annieronons: qui hyuernoient avec les montagnes & Algonquains qui n'eurent aucun mal; mais Piscaret, Cap. Algonquain qui en auoit deux ou 3 en sa charge, iugea a propos de renuoyer les fiens: tant pour euiter tous les hasars & fûreurs des ieunes gens, que p^r. donner aduis a Anniés de ce qui se passoit, on en donna aduis a Cousture, affin que si c'estoient Annieronons, il sceut qu'en cas qu'on